

TE REO MĀORI

Kaupapa Ako: Te Reo Matatini	
Tau Pakeke : Tau 3 me te Tau 4	
Whāinga Ako	Kia pai mau rawa ki tētahi kupu waiwai.
Hononga ki Te Marautanga o Aotearoa 	Te Reo Māori - Taumata 3 - ā Tā <u>Puna Reo</u> 1. Ka tika te tātaki kupu hou ahakoa te horopaki. <u>Rautaki Reo</u> 1. Ka pānui wahangū, ā-waha rānei hei whakatutuki i ōna hiahia. 2. Ka whakamahi rautaki whānui ki te āta whakapūmau i te māramatanga o ngā tuinga me ngā reo ataata maha.
Ngā Hononga ki Te Aho Matua 	Te Reo 2.3 He taonga te reo Māori i roto i te Tiriti o Waitangi, he reo tūturu hoki i roto i te Ture mo te Reo. Engari kahore he painga o te Tiriti, o te Ture ranei, mehemea kāore te reo i roto i te whatumanawa, i roto i te ngakau, i roto hoki i te mangai o te iwi Māori. 2.4 I runga i tēnei whakaaro, kia tere pakari ai te reo o ngā tamariki, me whakahaere ngā mahi katoa o te kura i roto i te reo Māori. Tae atu ki te hunga kuhu mai ki roto i te kura, me korero Māori katoa, i ngā wā katoa.
Ngā Mōhiotanga o Mua 	Kei te taumata pānui Harakeke E ki te I rātou (Ngā Kete Kōrero) nō reira kua kitea te nuingā o ngā kupu waiwai nei ki ngā pukapuka ka pānuihia rātou. Ka tuhi kupu waiwai rātou i roto i ngā mahi Te Reo Matatini hoki.

Raupapatanga Ako 	Ka tīmata ki te whakamārama atu me aha rātou. Ka hoatu he te kupu waiwai ki ia tamaiti me te tono kia pānui mai. Me whakamārama atu i ngā mahi e toru: 1. Kei te hoatu he mātitī pū ki runga i te rākau ahiparaka kia hanga i te kupu waiwai. 2. Kei te waihanga rerenga kōrero me te kupu waiwai i roto 3. Tuhia he pikitia e hangai ana ki te rerenga kōrero.
Rauemi	Rakau ahiparaka - kua tuhia ngā kupu waiwai ki runga Mātitī pū - kua tuhia kē ngā pū o te arapū ki runga. Pene papa mā Papa mā iti
Arotake	
	Kiko o te akoranga: He pai tēnei momo akoranga mō enei momo akonga, he poto, he tere, he mea hikaka hoki. Kei te rata rawa ēnei kōtiro ki ngā mahi tuhituhi, koina te take he tuhi pikitia tētahi o ngā mahi. I te whakaaro hoki au kia hanga pea i tētahi mea ki te paraoa pokepoke, ki ngā Lego rānei. I rongo au ki te pai o te whakahua i ngā kupu waiwai, me te pai hoki o ngā rerenga i waihangatia rātou. E mea ana tērā ki au kua pai te pānui me te māramatanga o te kupu. Te tere o te akoranga: Pai te tere o te akoranga nei. Nā te tokoiti o te rōpū nei, he ngawari te whakahaere i a rātou. Ka uaua mehemea he 6-7 ngā akonga. Te puaki o ngā mahi - Kua wai rawa ngā kōtiro nei ki te mahi tahi, kua maia te taha whakaputa i te reo pānui i waenga i a rātou anō nō reira kāore tērā i puta hei take i waenga i a rātou. Māramatanga ā ngā akonga- I kitea i te mutunga kua mau pai ia rātou.